

վաղեր և տեղափոխելը . վէժ մի կարմրագոյն բլրա-
հասակ փրթուցեալ 'ի բարձանց լեռինն, և թափ ընդ
թափ հողովեալ ձուլեալ ընդ քարինս և ընդ սառոյցս՝
գաճալիթեալ անկանէր կիսով յորիորս վճին մեծի,
և կիսով խոնարհագոյն ևս թաւալ առեալ՝ զմասն մի
վանաց Ս . Յակովբայ և զնորին աղբեր հարեալ՝ կոր-
զեալ արկանէր 'ի վերայ գեղջն Ակուռոյ, և նոքիմբ
դգիւղն կործանեալ աւերէր ջնջէր հետախաղալ առ-
նէր . տամբ և ընտանեօք և ստացուածովք կորու-
սեալ զտեղին, և զառ ստորե նորին տաւաղեալ վրա-
նաբնակ Բուրգոս, յորոյ սակաւք ոմանք կարացին
անձնապուրծ լինել . և ծուխ հրախառն փոթորկեալ
զհետ մեծի թաւաղոյնն՝ ճարակեաց թխացոյց զմա-
ցուածս շինին և ծառաստանին, և ծածկեաց տգեղծ
աւերածովք . որք յետ ամսօրեայ աւուրց ('ի 24 յու-
լիսի) քայքայեալք սորոքեցան իջնն 'ի խոնարհ 'ի
գաշաւալարն, վարեալք 'ի հեղեղեալ քարանց զեր-
ծելոց և 'ի սկախառն հոսանաց կաւոյ և տղմոյ . յո-
րոց դարձեալ ոչ սակաւ աւերմունք եղեն . և ցարդ
նշմարին ողորմելի մնացուածք գեղջն և մեծաստանին
մասամբ 'ի տղմի խրեալք և մասամբ՝ 'ի խառնակոյտս
անկերպարանս, և մեծագոյն ևս մասամբ՝ անհետա-
ցեալք : Բայց առ յիշատակէ գեղջն հնոյ կանգնե-
ցաւ 'Եւր Սիւսի 'ի ստորոտս լեռինն, և բնակեցաւ
'ի հայոց իբր 180 տանց : — Գազաթն լեռինն 'ի հան-
դարսութեան օդոց՝ մառախլապատ տեսնի, իսկ 'ի
շնչել 'ի նմա հողմոց՝ պարզ և սպիտակափառ և պաղ
պալուն փայլէ վեմամայեաց . բայց և հողմքն և մա-
ռախուղք, և սառամանիք նորին և ապաւեր ուղղա-
բերձ կողք և աւաղն սահագնաց, և ամարանի հե-
ղեղք ձիւնահալ հոսանաց, և փրթածք հիւսոյ, գը-
ժուարկն և վտանգաւորս գործեն գելո լեռինն, և
գրեաթէ անմատոյց՝ զըբբազան գազաթնն զասպը-
լական տապանին . յոր նախ առաջինն առ մեծ յամին
1829 յիններորդում աւուր ամսեան հոկտեմբերի եւ
գիտուն բնախոյն Բարրոգ Գրամանացի ընդ Ֆէո-
տորովն չափաբերի և այլոց ոմանց, և ետես բլուրս
երիս սառամանեաց 'ի վերոյ քան զպատառածն մեծ,
և 'ի գազաթան տեղւոյն տափարակ իբր 200 քայ-
լիւ ջրկալատաւ, ուստի երեւին համօրէն Այրարատ
և կողմանք Սիւնեաց . անդ կանգնեաց խաչ փոքր, և
խաչ մեծ 'ի ստորե՝ յառաջին ելան . յետ նորա ելին
և այլ բնագէտք 'ի զանաղան նուագս և հաւաստեալ
ստուգեցին զքննութիւնն Բարրոգեանց : — Փոքրն Մա-
սիս որ կոնաձև ևս քան զՎազն ամբառնայ ց'9560՝
յերեսաց գաշտին Երասխայ, յամարան գերծանի 'ի
ձեանց, և գիւրեւանելի է, թէպէտ և աւաղուտ և
սա . 'ի գազաթանն ունի լճակ ըստ օրինի հրաբը-
խաց, և եղբրն քարախիթք . իսկ 'ի տեղւոյն տափա-
րակի վէժք մեծամեծք թաւալեալք կան, զորս Օւս-
կի կամ հոկայից գերեզմանս ասեն լինել : Ի լեռնագաշտի
կցուածոյ կրկին լեռանց կարծի յոմանց նիստ տապա-
նին : Ի հարաւոյ կուսէ խառնին ռոսք Մասեաց ընդ
լեռինս Պայէղիտոյ, յարեմոյց ընդ լեռնանն որ սահման
հատանեն ընդ գաւառս Պայէղիտոյ և Սուրմուռոյ, և
երթեալ կյլին ընդ Բարրոգոյ . համօրէն լեռնագաշ-
տակքն բերեն զհրաբուխ երկրի կերպարանս, սպըն-

գաքարիւք և լաւաքարիւք, որք յաճախագոյն ևս գը-
տանին 'ի հիւսիսային կողմ լեռինն, մանաւանդ առ-
տկամբք Սեա-Նոյն ուր և մօրավայրք են, և բաղմու-
թիւն ջրամէր հաւուց : Հաւուցս վայրենեաց և որ-
սականաց առատութիւն է և 'ի ստորոտս լեռինն, ուր
և որսան բազայիւք . իսկ չորքոտանիք չեն առատ 'ի
Մասիս, 'ի գազանաց՝ երեւի երբեմն և յովաղ . նուա-
ղեալ է և բուսաբերութեամբ . ծառք սակաւք են 'ի
նմա և գտանին ցարձրութիւն 7800-8000 ոտից .
անտի և 'ի վեր ալպեան բոյսք որք ժամանեն ց'12000՝,
և աղբք ինչ ց'13000՝ : Առ ախմբք գետոյք յիշելոյ 'ի
սահման Արկուռոյ՝ ելեալ Արտաւազդն արքայի յորս
կընձից և ցուց՝ խարդաւանեցաւ 'ի վիհն . լեռնա-
կոհակն այն կոչէր առ հինն գինայ լեռն կամ Բլուր
և գետն Գինեգոյն, թուի թէ 'ի յիշատակ դինւոյն
Նոյի : — Ի հիւսիսային Մասեաց ոտին կան գեղջն
Սիւսաշտն, Արաւի, Հասանապա, և այլն :

138. Գ . ԶԻՆԿԻ-ՊԱՋԱՐ գաւառ փոքր, այլ
նշանաւոր՝ զմայրաքաղաքն նահանգին հայոց յինքեան
ունելով . կայ յեկեղ Երասխայ հանգեալ Մասեաց Ո-
տին և Սեաւ ջրոյ, 'ի հիւսիսոյ ունի զգաշտն վա-
ղարշապատու և զգաւառն Կեօք-չայ, յարեւելց զե-
րինս Գեղամայ, 'ի հարաւոյ զԷրուր գաւառ . և
այսպէս կոչի յանուն Զէյի գետոյ, որ է հաւաքա-
նոս նախնեաց, և է ԿՈՏԱՅԲ գաւառ հին . հարա-
ւակողմն գաւառիս կոչի ԳԱՌԻ-ՊԱՋԱՐ յանուն Գառ-
նոյ գեղջ, որ և մասն է Գեղաբունի գաւառի Սիւ-
նեաց . հիւսիսակողմն ԳՐԻԳ-ՊՈՒԼԵԳ, վտան բազում
աղբերցն ականց որ 'ի լեռանց Գեղամայ իջեալ՝ ա-
ռու գործեն և խաղան յեկեղ Երեւանայ : Միանգա-
մայն 100 գեօլք են երեցուն վիճակացս . յորոց 'ի
ծայր արեւմտից հիւսիսոյ կայ մայրաքաղաքն ԵՐԵՒԱՆ
յահեկէ հրազդանայ և Գըրբսուրաբայ, յարեւելց
առաջնոյն, 'ի բարձու 2970՝ ոտից 'ի սարահարթի
հրազդանայ . աւան էր 'ի հնունն հին, այլ շինողն
անյայտ . յԷ գարէ և այսր անկեալ ընդ իշխանու-
թեամբ հազարացեոց, Պարսից և Օսմանեանց, և
իշխանանիստ լեալ, 'ի գարէ հետէ կայր 'ի ձեռս
Պարսից՝ որոց իշխան 'ի սմա սարտար կոչէր, և յե-
տին սարտարն բազում շինութիւնս արար 'ի սմա .
Ռուսք նուաճեցին յամին 1827, 'ի ձեռն Բասդե-
ւից որ և կոչեցաւ Երեւանեան . յամին 1841 կար-
գեցին մայրաքաղաք կուսակալութեան համօրէն հայ-
կական 'Կահանգի, նորոգեալ զամրոցն որ 'ի հարա-
ւակողմն քաղաքին, ուր և զգեակ կուսակալին՝ եր-
բեմն սարտարին Երեւանայ, և ապարանք աւագ որե-
րոյ, և կամուրջ 'ի վերայ գետոյն : Բայց քաղաքն
գծուծ է տեսեամբ, և մասամբ հողակերտ . հինգ
թաղք են նորա և վեցերորդ 'Եր-Թաղ շինեալ 'ի
գաղթականէն հայոց, յորում է հին եկեղեցին ստոր-
երկրեայ մատրան շիրմի Ս . առաքելոյն Վնանիայ,
են և այլոց թաղից եկեղեցիք . և շուկայ մի մեծ ա-
ղիւսեայ կամարօք, և մշկիթ յախճապակաղաք, և
վարժարան նոր վասն մանկուոյ ամենայն ազգաց բը-
նակաց քաղաքին, որ են 20,000 ոգիք, յորս հայք
իբրե 6000, այլքն մահմետականք և Ռուսք : Ի Զ-
բափշ թաղի կայր աշտարակ մի հին և վայելուչ՝